

C. 2032.

N^o 42
D. O. M. A. 1642, 4

#

26

Disputationum Juridicarum
SECUNDA,
DE
REMEDIIIS JURIS
CREDITORUM ADVERSUS
DEBITORES CONTUMACES, MO-
ROSOS, ET LATITANTES,

Potissimum ex l. Consentaneum. 8. Cod. quom. & quando Jud. & c.

Quam

Consensu & Auctoritate

Magnifici Dn. Ordinarii, Amplis. Dn. Senioris,
ac reliquorum Consultis. & Excellentis. inclytæ
Facultatis Juridicæ Assessorum in celeberrimâ
Lipsiensi Academia,

P R Æ S I D E,

Viro Magnifico & Consultissimo,

DN. CHRISTOPHORO PREIBISIO,
Phil. & J. U. Doctore, Prof. Publ. Facultatis Juridicæ, Na-
tionis Polonicæ, & Collegii B. Mariæ Virginis Seniore, Sacr. Cæs.
Majest. Aulæ, & Palatii Imperialis Comite, Sacr. Rom. Imperii
Exempto, Fautore & Promotore suo singulari-
ter suspiciendo,

Examini publico sistet

WOLFGANGUS Bollraht/GEITHANUS,

Ad diem 3. Martii, 1642.

In Auditorio Jctorum Petrino.

LIPSIÆ, typis GREGORII Ritschens,

VIRIS

Integerrimis, Spectatissimis, ac Prudentissimis,

Dn. ADRIANO

Stegern/

Dn. SEBASTIANO

Öhmen/

Dn. CHRISTIANO

Lorenz/

Inclytæ Reipubl. Lips.
Senatoribus dignis. ac
Mercatoribus primariis.

Patronis ac Favitoribus suis

apprimè observandis,

Theses has Juridicas

offere

WOLFG. Bollrath/
Auth. & Resp.

IN NOMINE
DOMINI NOSTRI JESU CHRISTI

ad omnes actus, omniaq; consilia feliciter progredimur,
ad Coloss. cap. 3. vers. 17. l. 2. Cod. de Officio Præfæcti Prætorio Africa & c.
pr. l. 1. ibidem. pr. de confirmatione Digestorum ad Senatam,
& omnes populos, & sequenti, ad magnum
Senatam.

PROOEMIUM.



U M difficilimo hoc rerum statu, cre-
scentibus indies malitiis hominum, non
infreqvens sit in judiciis Accusatio contu-
maciæ, (eò enim ferè deventum est, ut
dum reus sui præsentiam faciat in iudicio,
atque respondeat, sæpè dies non pauci prætereant non si-
ne actoris querelâ) ea verò, quæ quotidiana & usu fre-
quentia, sæpiùs sint attingenda, & pleniùs tractanda ex di-
ctamine rectæ rationis, asserente JCTo Paulo *in l. legavi.*
25. ff. de lib. leg. Ulpiano in l. 1. ff. de susp. tut. non abs re esse,
dixi, hæc quidem vice hanc potissimùm adversus contu-
maces traditam materiam juris, & quidem potiorem hanc
ejus partem, sub disputationis incudem revocare.

THESIS I.

Ex remediis igitur, quæ à jure creditoribus contra debitores
contumaces prodita sunt, ferè primum & præcipuum est bene-
ficium d. legis *Consentaneum. 8. C. quom. & quando jud. attestantibus*
Giphanio, Sichardo, Saliceto, in comment. super Cod. d. leg. pr.

II.

Ex quâ tria suppeditantur remedia, *Sichard. n. 4. d. l.* nimi-
rum captura personæ, sive citatio realis; immissio
in possessionem honorum debitoris; & denique
sententia definitiva, sive progressus in causâ principali,

vulgò in contumaciam **verfabren**. Dissent. Giphanius, qui tantum duo posteriora ponit, capturam à Glossographis adjectam esse asserens, *ad d. l. consentaneum. in com. d. p. 271. & seq.*

III.

Primum in ordine est remedium capturæ, *Sichard. ad d. l. nost. n. 21.* ad cujus definitionem antequam deveniamus, prænosendum est, eam, quantum quidem in jure advertere licet, & in quantum ad nostrum facit scopum, non unius, sed duplicis esse generis.

IV.

Et quidem ratione objecti ita commodissimè dividi potest captura, ut alia sit personalis, alia realis: & illa iterum vel ad sistendum & respondendum instituta, vel ad manendum, in certo loco,

V.

Illam (aliàs citatio realis, (a) nec non personalis, (b) item prehensio (c) dicta) ita fortè defini potest, quòd sit actus (d) judicialis, (e) quo ad instantiam (f) creditoris (g) debitor (h) contumax (i) servatà juris formà, (k) mandato Judicis (l) competentis, (m) per apparitores (n) reipsà quasi per manùs impositionem in judicium ducitur, causæ liqui-
dandæ, sive respondendi gratià. (o)

(a) Nimirum à Giphanio, *Sichardo, Saliceto ad h. l. nost. 8. Wesenbec. in parat. ff. de in jus voc. num. 13.* ad contradistingvendam videlicet citationem verbalem: fundata in hac lege nostrà, *in verbis, vel ad cogendum eum, ut se representet, extra hanc in c. si Clericos. 15. de sent. excommunicationis in 6. Auth. quâ in provinciâ. ibi: presentatus condemnatur & c. C. ubi de criminibus ag. op. l. nemo jud. 1. C. de offic. divers. jud. c. Mulieres, 2. de judiciis in 6. l. Medicos, 6. C. de Professoribus & Med. & c.*

(b) *cap. d. 2. de judiciis in 6. Sichard. num. 21.*

(c) *Ab Agellio lib. 13. noctium Atticarum cap. 12. ubi eam ferè solis Tribunis plebis olim tributam refert.*

(d) *Genus, auctore Wesenbecio in parat. ff. de in jus voc. n. 13.*

(e)

(e) Ad differentiam capturæ extrajudicialis, sive privatæ, de quâ infrâ thesi II.

(f) *Causa ἀγωγῆς ἀρκυλικῆς*. Wesenbec. in parat. d. loc. num. d. citra quam judex neminem citare debet in causis privatis, per c. significasti. 18. X. de foro compet. l. peremptorium. 68. ff. de judic. unde reg. vulg. Judex officium suum impertit rogatus. DD. ex l. dies cautioni. 4. §. hoc autem. ff. de dam. inf. secus in publ. c. qualiter, & quando. 24. X. de accusationibus.

(g) Accipitur hîc vocabulum creditor ad mentem. l. creditores. 10. & 11. ff. de V. S. quâ de pluribus infrâ in remedio immisionis.

(h) Sunt debitor & creditor relata, & quidem mutua, in quibus obtinet reg: Quot modis dicitur unum relatorum, tot modis dicitur & alterum, uti constat ex Log. adde Eberh. in top. in loco à correlativis, in super l. debitor. 108. ff. de V. S. l. pecunia. 78. ibid.

(i) Subjectum citationis realis est debitor contumax. Contumax verò vulgò is dicitur, qui tribus vicibus, vel unâ pro tribus citatus, non comparet, per l. contumacia. ff. de re jud. §. 1. d. l. consentaneum. 8. ut ita subjecti locum sustineat omnis, in quem quidem cadere potest contumacia, nisi speciali immunitate gaudeat.

Quocircâ excluduntur ex hoc numero, & quidem 1. nonnulli generaliter & ἀπλῶς, ut sunt omnes illi, qui recensentur ab Ulpiano in l. in jus vocari. 2. ff. de in jus voc. ex ratione, quia hos neque verbaliter citare licet. d. l. Quibus adde 1. Infantes & furiosos. ex l. quig. litigandi. 4. d. t. ratio, quia omni destituuntur intellectu, nec ullum animi judicium habent, per l. ait Prator. 1. §. hoc edicto. 6. ff. ne vis fiat ei. l. si cum. 22. §. si maritus. 7. ff. soluto matrimonio. l. Pupillus. 9. ff. de acquirendâ vel amitt. hered. unde nec contumaces dici possunt.

2. Pupillos & minores: Ratio, quia legitimam standi in judicio personam non habent, per leg. in rebus. 2. & t. t. C. qui legitimam personam & c. ratio rationis forsan, quia in his τὸ βουλευτικὸν ἀτελής, Philosoph. 1. Polit. 11. & 3. Ethic. Nicom. c. 5. unde nec deliberare possunt, utrum transactionem subire, an verò suscipere de-

ensionem magis expediat. *l. 1. ff. de edendo.* undè nec de his contumacia, nequè ejusdem pœna prædicari potest.

3. Mulieres, & 1. quidem ex ratione cum prædictis personis communi, nimirum infirmitatis judicii: unde nec ipsæ legitimam standi in judicio personam sustinere videntur, moribus præsertim Saxonis, **Churf. S. GerichtsOrdnung cap. 8.** cujus ratio itidem videtur τὸ βεβηκὸν, quod secundum Philosophum in iis est ἀκουργν, *l. c.* quapropter nec de his verè & propriè contumacia, quæ ex num. τῶν προαιρετῶν. *arg. l. Fulcinius. 7. §. 5. & passim. ibid. ff. quib. ex caus. in pos. eatur.* dici potest.

2. Ex ratione speciali, pudoris & verecundiæ huic sexui debitæ, moribus imprimis Romanorum, apud quos improbatum, rapere in jus mulierem, aut corpus ejus tangere. *Valer. lib. 2. Wesenbec. in parat. ff. de in jus voc. n. 9.* unde illud privilegium sexus in *l. 1. C. de offic. diversorum judicum, Auth. sed hodiè. ibidem. Novell. 134. c. 9.* ratio ibi assignata, ne per ejusmodi occasiones inveniantur circa castitatem injuriatæ, ἵνα μὴ ἀπὸ τῶν τοιούτων ἀφορμῶν εὐθεῶσι πρὸς τὴν σωφροσύνην ὑβριζόμεναι, ut habet textus originalis pag. 356. quod contra publicam honestatem ac pudicitiam dignitatem, *arg. l. si qua illustris. 5. C. ad Scitum Orficiatum. d. c. mulieres. 2. de judiciis in 6.* Diversum obtinet in *l. 1. §. quid ergo. ff. de inspiciendo ventre.*

2. Quidam κατὰ τι, ut sunt 1. Parentes, patroni, & alii recensiti, in *d. l. quid, litigandi. 4. §. Prator ait. 1. ff. de in jus vocando. l. Venia edicti. 2. C. eod.* ex ratione ibidem assignatâ, adde *l. liberto. 9. ff. de obseq. parent. & patr. prest. l. parentes. 6. ff. de in jus vocando.*

3. Quidam ex speciali privilegio, ut sunt 1. Milites in expeditione agentes: Ratio, quia major rei publicæ, quàm privatæ cura habenda, *arg. l. milites. 34. C. de locat. & cond. l. minimè. 35. ff. de relig. & sumptib. funerum. l. postlim. 19. §. Filius. 7. ff. de captivis & postlim. revers.*

2. Episcopi, per *Novell. 123. c. nulli verò. 7. de sanctissimis Episc.* Adde *Eberh. in top. leg. in loc. à milite armata militia ad militem militia cælestis.*

3. Præter hos etiam alii versantes in Ecclesiâ. *l. fidei devotâg.*

2, C.

2. C. de his, qui ad Ecclesias. cap. decet domum domini. 2. de immunitate Ecclesiarum. in 6.

4. Hoc privilegium quoque subministrat cujusque domus, si-
ve propria, siue conductitia, ut inde capi, siue eâ invitus ex-
trahi nemo debeat, scilicet ob causam pecuniariam privatam,
Sichard. d. l. n. 25. 26. 27. per l. plerique. 18. ff. de in jus voc. adde l. sed
etsi. 21. ff. d. t. per rationem assignatam in d. l. plerique. nimirum,
quia domus cuique tutissimum refugium & receptaculum esse
debet.

5. Legum Doctores, & Academiæ Professorum, per l. Medi-
cos. 6. C. de Professorib. & Med.

6. Advocati. arg. l. Advocati. 14. C. de Advocatis diversorum judi-
ciorum, quoniam & hi militare creduntur. Matth. Stephani in
loc. à milite armata militia ad militem militia togata. p. 346.

(k) Forma, ratione nimirum debitæ præcedentis citatio-
nis, & accusationis. Sichard. d. l. circa finem. num. 21. & 28. quæ
de re infra in immisionis remedio plenius tractabitur.

(l) Efficiens, præceptum siue mandatum judicis, sine quo
nulla procedit citatio. arg. l. etiam. 29. §. ult. ibi: ad agendum à Præ-
sede evocato. ff. de minoribus. l. neminem. fin. C. de exhib. reis. c. 1. §. con-
trahentes. de foro competenti in 6. Wesenbec. in parat. ff. de in jus voc. n.
13. & Judicis quidem κατὰ πρότερον Ordinarii, Sichard. circa finem
n. 22. it. 30. per l. in jus vocati. 2. ff. d. t. καὶ ὑστερον etiam delegati, per
leg. cui jurisdictio. 2. ff. de jurisdictione. & t. t. ff. de officio ejus, cui man-
data est jurisdictio, vide tamen distinguentem hinc Sichardum
d. l. n. 29.

(m) Restriccio causæ efficientis, ad hoc nimirum, ne processus
reddatur nullus, vel invalidus, cum supra jurisdictionem, vel
extra territorium citanti impunè non pareatur, l. extra territo-
rium. fin. ff. de jurisdictione. l. ex quacunque. 2. §. 1. ff. si quis in jus voca-
tus non ierit.

(n) Causa instrumentalis, nuncius siue apparitor, qui ad
præscriptum suæ commissionis citare debet, Wesenbec. in parat.
d. t. n. 13. per c. venerabili. X. de officio & potestate jud. delegati. & c. cum
dilecta, de rescriptis. eod.

(o) Causa finalis. arg. l. quia quisque. 1. ff. de edendo. Sichard. d. l.
circa

*circa fin. n. 21. cum difficulter in non auditas partes sententia fe-
ratur, l. ab eo. 2. C. qvom. & quando jud. & seq.*

VI.
Hæc scilicet ad manendum instituta iterum subdividi po-
test in Ordinariam, quæ fit secundum ordinem executivum,
ad carcerem tædialem, (a) vulgò **Schuldthurm** / (b) & Extra-
ordinariam, quæ fit citra dictum ordinem executionis ad car-
cerem obedientialem, sive liberam custodiam, vulgò **Bürger-
lichen Gehorsam**. (c)

(a) *Casparus Mancius in patrocínio depauperatorum debitorum, de-
cade 1. quest. s. n. 8.*

(b) *Novella Constit. Elect. Augusti part. 2. c. 22. Berlich. p. 2. conclu-
sione 28. Dn. Carpzov. in defin. suis forensibus p. 2. const. 22. per tot.*

(c) *Dicta Novella Const. Elect. Aug. d. p. 2. c. 21. Berlich. d. l. conclusio-
ne 27. Dn. Carpzov. d. l. per tot. Casparus Mancius in d. patrocínio depau-
peratorum debitorum, decade 1. quest. s. num. 29.*

VII.

Illà ita definiri potest, quòd sit actus executivus, (a) quo
juris ordine servato (b) ad instantiam creditoris (c) debi-
tor contumax & morosus (d) non solvendo repertus (e)
jussu judicis (f) captus (g) in carcerem (h) mittitur, quò
tædio affectus tandem de mediis solutionis & liberationis
sit sollicitus. (i)

(a) *Genus, Colerus in process. execut. p. 1. c. 6. num. 2. & 3.*

(b) *Forma. Ratione 1. præcedentis liquidationis debiti, cum
executio fieri haud possit, nisi in liquidis & probatis, Bart. in l.
si se. 4. §. si ex conventionem. n. 1. ff. de re judicatâ. Gail. 1. observ. 68. n. 6.
& vel per rem judicatam; per hanc enim debitum maximè fit li-
quidum, per ea, quæ afferuntur à Gailio 1. observ. 44. n. 7. vel per
confessionem partis scilicet judicialem, cum confessus habeat-
tur pro judicato, l. 1. ff. de confessis. Berlich. d. conclusione 28. n. 52.*

2. *Ordinis executivi præscripti, in l. à divo Pio. 15. §. in vendi-
tione. 2. ff. de re jud. ut nimirum executio non incipiat à capturâ
personæ, sed à bonis, (hæc enim, anteqvam excutiantur, sciri
non*

non potest, an solvendo sit debitor, per ea, quæ afferuntur à Colero d. part. 1. c. 6. n. 118. Bœrio, decisione 349. n. 7. progrediendo nimirum à mobilibus ad immobilia, iisque non sufficientibus ad nomina exigibilia, siquæ nec inde satisfieri possit creditori, ut tunc demum recurratur ad extremum capturæ remedium. dicta Novell. Const. Elect. Augusti p. 2. c. 22. ibi: nach ergangener Hülff. Coler. d. l. n. 115. Churf. S. Process: vnd Gerichts-Ordnung. c. 52. pr. Berlich. p. 1. conclus. 81. num. 46. Id. p. 2. conclus. 28. n. 56. Dn. Carpzov. d. l. p. 2. constit. 22, defm. 4. p. 596. Coler. d. l. p. 3. c. 9. n. 19.

(c) *Causa regna* (αρχική), cum semper hinc obtineat reg. quod Judex in privatis non nisi imploratus suum impertiatur officium, per allegata supr. thesi 3. lit. f. Adde Mancium d. l. decad. 1. questione 4. n. 32.

(d) Scilicet in non solvendo, ut supr. thesi preced. s. in non veniendo, lit. i. vide Cass. Manc. d. l. n. 24. & seq. Berlich. l. c. n. 9.

(e) Nimirum posteaquam bona jam excussa sunt, per allegata supr. lit. b. hanc thesi. Adde Manc. d. l. n. 32. Ut ita subjectum hujus capturæ sit debitor contumax, & morosus excusis bonis non solvendo repertus. Personas ab hac capturâ immunes longâ serie recensere hanc vice superfluum visum fuit, cum hoc ab aliis jamjam factitatum, ut Berlichio d. l. n. 39. & c. Dn. Carpzovio d. l. defm. 18. & seq. p. 601. Mancio d. decade 1. quest. 7. per totum.

(f) Efficiens: per rationem Jcti Pauli generalem in l. non est singulis. ff. de reg. jur. Col. d. part. 1. c. 6. num. 16.

Ratio specialis; cum captura personæ sit citatio realis, & species jurisdictionis, ac propterea privato non concessa, Coler. d. l. n. 11. & seq. Adde Mancium d. decade 1. quest. 5. n. 130. Et quidem Judicis competentis, per ea, quæ tradita sunt à Berlichio d. p. 2. conclusione 28. num. 51. Carpzov. pag. 596.

(g) Scilicet per apparitores, sive Officiales. Gail. de pace publ. lib. 2. c. 2. num. 8. & 9. Berlich. d. p. 2. conclusione 27. n. 25. & passim ibidem.

(h) Non tamen illum tenebricosum & subterraneum, qui pœnalis dicitur, Manc. d. decad. 1. quest. 5. n. 5. comparatus pro
B faci-

facinorosis hominibus, *Novell. Constit. Elect. Augusti d.p.2. const. 22. ibi: Es soll aber. Berlich. d.l. n. 67.* sed tolerabilem, vulgò tædialem. *d. Constit. Novell. Elect. August.* Adde *Manc. d. decad. 1. quest. 5. conclusionem 3. n. 97. & seq.* ubi simul de carcere & pœnâ malitiosorum debitorum, vulgò decoctorum, bancruptorum, & fallitorum.

(i) *Causa finalis, Manc. d.l. n. 65. Col. d.c. 6. n. 82.*

VIII.

Hæc scilicet Extraordinaria nihil est aliud, quàm medium sive modus perveniendi ad exolutionem debiti, (a) quo præviâ creditoris instantiâ (b) debitor solvendo existens per contumaciam solvere detrectans, (c) autoritate Jûdicis (d) captus, (e) certo loco (f) manere jubetur, satisfaciendi, (g) & obedientiæ exigendæ (b) gratiâ, de consuetudine receptus, (i) ac jure permissus. (k)

(a) *Genus. Mancius d. l. num. 59. Wesenbec. in parat. ff. si quis jus dicenti & c. num. 6. locum habens, etiamsi debitor pacto se non obstrinxerit ad carcerem, dictus Mancius cit. decade 1. quest. 5. n. 14. 24. & seq. 31. 32. 33. & 46.*

(b) *Vid. thes. preced. lit. c.*

(c) *Subjectum capturæ extraordinariæ; ex prædicto authore cit. l. conclus. 1. num. 14. 25. 32.*

Subjecta exclusiva, sive personæ ab hoc capturæ genere immunes videri possunt apud eundem *Mancium d. l. conclusionem primâ. num. 47. 48. & c. conclusionem secundâ. num. 62. & c.* quò benevolum lectorem brevitatis studio remissum volo.

(d) *Efficiens: repete huc, quæ dicta sunt thesi preced. lit. f.*

(e) *Vide lit. g. thes. preced.*

(f) *Solet enim interdum pro ratione personæ totum palatium, vel tota civitas alicui pro carcere assignari. Gail. de pignorat. observ. 9. n. 4. Coler. d.p. 1. c. 6. n. 11.*

(g) *Causa finalis; ex dicto authore cit. l. n. 82. & 92.*

(b)

(b) *Wesenebec. in parat. ff. si quis jus dicenti. n. 6. Coler. num. 81. d. l. Manc. n. 46. d. loc.*

(i) *Gail. lib. 2. de P. P. c. 2. n. 8. Manc. d. l. n. 33.*

(k) *Petrus Peck. de jure sistendi. c. 5. n. 15. Gail. d. l. per l. 1. C. qui bonis cedere poss. l. nemo carcerem. 2. C. de exactoribus tributorum.*

IX.

Realis, ut captura pignorum, (a) ita fortè describi potest, quòd sit Remedium juris executivum, (b) quo ad instantiam creditoris (c) debitori contumaci & moroso (d) jussu judicis (e) servatis juris solennibus (f) per executores (g) pignora auferuntur, quibus, solutione justo tempore (h) non secutà, distractis (i) suum tandem creditor consequatur. (k)

(a) Fundata in *l. debitoribus. 31. ff. de re judicatà. l. eos, quos. C. de exec. rei judicatæ. Wesenebec. in paratit. ff. si quis jus dicenti. num. 6.*

(b) Genus. *Berlich. d. part. 1. concl. 81. pr. Coler. de process. exec. p. 3. c. 5. num. 2. & passim.*

(c) *Causa ἀνεπιτηδεύουσα*; nec enim proprio motu Judex executionem decernere potest, per *d. l. dies cautioni. 4. §. hoc autem. 8. ff. de damno infecto. l. Si quis navicularius. 2. C. de naufragiis.*

Churf. S. Gerichts Ordn. cap. Von der Execution und Hülffe. 39. ibi: Vff sein Ansuchen. pr. cum ipsi de jure creditoris, quod ex facto oritur, nihil constare possit, undè nec judicare, vel pronunciare citra implorationem poterit, Berlich. d. part. 1. conclus. 81. n. 2. arg. l. si putator. 31. sub finem. l. si ex plagis. 52. §. in clivo. 2. ff. ad Leg. Aquil. Coler. d. p. 3. c. 4. per totum.

(d) Subjectum hujus capturæ, per *d. l. 31. ff. de re judic. ibi: Si qui tamen per contumaciam &c. Berlich. d. l. num. 14. Subjecta exclusiva ferè eadem, quæ immisionis in possess. bonorum, quæ de re infra thesi 13. lit. g. Est enim mora, quæ hîc concurrat, non minùs ac contumacia culpæ species, ac ex num. τῶν ἀνεπιτηδεύου. Mancius d. decad. 1. quæst. 5. num. 28. arg. l. si servum. §. 3. ff. de V. O.*

B 2

(e)

(e) Efficiens: nec enim privatâ creditoris autoritate captura pignorum procedit. *d. l. non est singulis. 176. ff. de reg. jur. l. un. C. ne quis in suâ causâ &c. Churf. S. Gerichts Ordnung. d. c. 39. pr. p. 96.*

(f) Forma: hæc consistit 1. in præviâ debiti liquidatione. *d. l. 31. ff. de re jud. ibi: Qui fatebuntur debere, aut ex re iudicatâ &c. l. eos, qvos. C. de execut. rei jud. Adde, quæ dicta sunt suprâ thesi 7. lit. b.*

2. In antecedaneâ præcepti executivi insinuatione. *Berlich. d. part. 1. concl. 81. num. 11. Coler. d. p. 3. c. 7. n. 1. & seq. c. 8. n. 11.*

3. Observatione ordinis executivi, *Churf. S. G. Ordn. d. c. 5. Anfänglich zwar. Berl. d. l. n. 45. 46. &c. repete huc, quæ dicta sunt suprâ thesi 7. lit. b. n. 2.*

(g) Causa instrumentalis, *Coler. d. p. 3. c. 9. num. 8. & seq. per l. 1. C. de exec. rei judic. Churf. S. Gerichts Ordn. d. c. ibi: Durch die dazu gegebene/und verordnete Executores. p. 96.*

(h) Quod de jure Civili est quadrimestre spatium, *Berlich. d. part. 1. concl. 81. n. 15. per l. intra dies. 7. ff. de re jud. l. eos, qui condemnati. 2. C. de usuris rei judic. Wesenbec. in parat. ff. de re jud. n. 9. Coler. d. p. 3. c. 6. num. 2. & seq.*

De jure Saxonico hodierno spatium 6. septim. & 3. dierum, vulgò terminus legalis, *Berlich. d. conclus. 81. n. 16. Wesenbec. d. n. 9. Coler. d. p. 3. c. 7. n. 7. & seq. Constit. Novell. Elect. Aug. 32. p. 1. post pr. ibi: Dazu ihm dann. Churf. S. G. Ordn. d. c. Von der Execution. 39. §. Wann aber das Urthel. Plura apud modò cit. Berl. d. l. n. 146.*

(i) Effectus. *d. l. 31. ff. de re jud. circa fin. Berlich. d. l. n. 147. Coler. d. p. 3. c. 9. n. 72. per l. cum in causâ. 2. C. si in causâ iudicati pign. captum. Idem p. 1. c. 10. num. 210. ita tamen, ut residuum, in quo pretium rerum superat quantitatem debiti, restituatur debitori. d. l. 31. ff. de re jud. in fine. Coler. d. p. 1. c. 3. n. 145.*

(k) Causa finalis, modò *d. l. 31. ibi: ad satisfaciendum. Coler. c. l. p. 3. c. 9. per totum. Et hæc quidem de capturâ reali ex ordine executivo, & in genere.*

X.

Datur præter hanc etiam captura quædam realis, quodammodo

modò extraordinaria, s. adversus eos, qui per contumaciam cessant solvere debita fiscalia, t. t. C. de capiendis & distrab. pignori-
rib. tribut. caus.

2. Adversus rusticos debita servitia contumaciter detre-
ctantes, sic dicta extraordinaria, quia non expectato ordine
illo executivo, pignoribus captis, ad obedientiam rediguntur,
per ea, quæ latè hîc adducit Dn. Carpzov. p. 2. Const. 27. defn. 4. Ber-
lich. d. p. 2. concl. 34. n. 19. & c. quò benevolum lectorem, quia non
hujus loci, brevitatis causâ remissum volo.

XI.

Utraque tam personalis, quàm realis ratione formæ subdi-
vidi potest in Judiciale, cujus generis sunt modò dictæ ca-
pturæ species omnes, & Extrajudiciale, quæ privatâ per-
mittitur autoritate, & non est hujus loci, cujus exempla vi-
deri possunt, & quidem quoad capturam personalem, in l. in-
jus vocari. 2. l. plerique. 18. ff. de in jus vocando. Adde Wesenbec. in
paratit. ibidem n. 2. l. Prator ait. 10. §. si debitorem. 16. ff. quæ in frau-
dem creditorum; quoad capturam realem ex jure consuetudi-
nario, vide Colerum part. 1. c. 3. per tot. Berlich. d. p. 2. conclus. 34.
Carpzov. d. p. 2. Const. 27. defn. 3. Sed ut dixi, hæc non ad nostrum
scopum.

Et hæctenus quidem de remedio adversus debitores contu-
maces & morosos primo.

XII.

Sequitur alterum remedium juris, quod traditum est ad-
versus debitores contumaces, & latitantes, nimirum immis-
sio (a) in possessionem bonorum debitoris contumaci-
ter latitantis, quæ duplicis generis, & ratione finis ita dividi
potest, ut alia sit nudæ detentionis, (b) vulgò decreti pri-
mi, (c) alia non nudæ detentionis, sive transferendæ posses-
sionis, vulgò decreti secundi.

(a) Sumitur Missio in possessionem potissimum duplici-
ter, 1. pro remedio adversus contumaces & latitantes, uti
h. l. per d. l. Consentaneum. l. si quis. 8. §. 3. Cod. de præscriptione 30.
vel 40. annorum. Novell. 53. c. 4. §. 1. de exhib. reis. t. t. ff. quib. ex cau-

*sis in poss. eatur. & seq. Magnif. Dn. Ordin. D. Sigism. Finckelthaus
Observ. 4. n. 1.*

2. Usus ejus etiam est extra causam contumaciæ, ut videre
est in l. 1. ff. de reb. autb. jud. poss. t. t. ut in poss. legat. t. t. de ventre
in poss. mittendo. quæ acceptio non huc spectat.

(b) Appellatione à re ipsâ desumptâ, monente Imperat. Justi-
niano Instit. de donationibus. §. 5. tit. Quibus mod. test. infirmen-
tur. §. 6.

(c) Ita vulgò distingvuntur hæ immisiones, ut alia dicatur
primi decreti, alia secundi, *Wesenbec. in parat. ff. de damn. inf. n.
4. & 7. Treutl. vol. 2. disp. 24. thes. 2. & 3.* Verùm cum tò primum,
vel secundum esse sit ex accidenti, & species non distingvan-
tur tempore, sed differentiis & causis, uti constat ex Logicis,
(adde, quæ hanc in rem afferuntur ab accuratissimo *Giphano in
disput. de divisionibus juris thesi 6.*) malè, vel minùs accuratè ex-
inde distinctio infertur, quamvis altera illa suæ authoritatî
meritò relinqvatur.

XIII.

Illâ, scilicet nudæ detentionis, nihil est aliud, quàm
actus (a) quidam solennis, (b) quo creditor (c) decreto
prætoris (d) in possessionem (e) bonorum (f) debitoris
(g) contumaciter latitantis (h) per apparitores (i) intro-
ducitur, ad rem custodiendam (k) & pignoris loco ser-
vandam, (l) quò debitor, tædio affectus, veniat tandem
ad respondendum. (m)

(a) Genus. Videatur *Neldelius in applicatione speciali præcepto-
rum Logicorum ad jus nostrum. pag. 535. Matthias Stephani in Dial.
jurid. pag. 32. 33.* De hæc immisionis specie videri etiam po-
test *Berlich. p. 1. conclus. 17. n. 23. & seq. Carpzov. part. 1. constit. 9. de-
fin. 6. num. 1.*

(b) *Wesenbec. in parat. ff. quibus ex caus. in poss. eatur. n. 7.* Solen-
nitate consistente, 1. in præviâ Creditoris instantiâ, *Wesenbec.
d. l. n. 5. per d. l. dies cautioni. 4. §. hoc autem. 8. ff. de damno infecto.
idem Wesenb. in comm. ibidem n. 7. Sichard. ad l. nost. 8. n. 32.*

2. In præcedente trinâ citatione, vel unâ peremptoriâ, *d. l.
Con.*

*Consentaneum, ibidemq; Sichard. n. 5. Wesenbec. d. comment. ff. de
damno infecto. n. 7. cum contumax non habeatur, nisi modo le-
gitimo citatus, per ea, quæ adducuntur à Carpzovio part. 1. const. 9.
defin. 6. n. 1. ubi simul processus contumaciæ, qui habetur in ju-
re Sax. videri potest, addito Berlichio p. 1. concl. 7. per tot. Churf.
S. N. Gerichts Ordn. cap. 10.*

3. Præmissâ contumaciæ accusatione, *Sichard. d. l. n. 32. l. prope-
randum. 13. §. Et siquidem. 2. C. de judiciis, cum contumax regulariter
non habeatur, nisi contumacia accusetur. Carpzov. d. p. 1. const.
9. defin. 15. n. 5. Eiusdemq; probatione. l. hæc autem. 5. §. non defen-
di. 1. ff. quibus ex caus. in poss. eatur.*

4. Summariâ causæ cognitione; videlicet quidnam debea-
tur, & cujusmodi sit debitoris frustratio. *Wesenbec. d. comm. ff.
quibus ex caus. in poss. eatur. n. 7. idem in ff. de damn. inf. n. eodem. ubi
quandam adhibet distinctionem inter actiones reales & perso-
nales. Adde Nov. 53. cap. si verò. 4. §. 1.*

(c) Subjectum, quod mittitur. Videtur autem ea hujus vo-
cis acceptio hîc potissimum attendi, quæ habetur in *l. Credito-
res. 10. ff. de V. S.* ubi Ulpianus interrogatus, quoniam creditores,
ut in possessionem mittantur, postulare possint, respondet,
creditoris accipiendos esse non solum eos, quibus debetur ex
mutuo. *l. mutuum. 2. §. mutui datio. 1. ff. de reb. cred. sed omnes,
quibus ex quâlibet causâ debetur, ex quâcunq; actione, sive
persecutione, quocunq; remedio juris sive civili, sive præto-
rio, sive purè, sive sub conditione, modò nullâ exceptione per-
petuâ repelli possit. Gædd. ad d. l. 10. n. 5. adde l. seq. 11. & 12. ff. de
V. S.* Excluditur ergò 1. is, cui ex naturali duntaxat obliga-
tione debetur, *d. l. 10. in fin. ibi: quod si natura.* nec enim ejusmo-
di obligatio in jure quicquam roboris habet. *arg. l. juris gen-
tium. 7. §. sed cum. 4. ff. de pactis.*

2. Qui justâ exceptione repelli potest. *d. l. 10. ff. de V. S. l. Mar-
cellus. 66. ff. de reg. jur. cum nihil intersit, ipso jure actionem
quis non habeat, an per exceptionem infirmetur. l. nihil in-
terest. 112. ff. de reg. jur. Adde Wesenbec. in paratit. ff. de damn. in-
fect. num. 6.*

(d) Causa efficiens immisionis: nec enim privatâ authori-
tate

tate creditor occupare bona debitoris potest ex hoc quidem
 cap. contumaciæ, arg. l. extat. 13. ff. quod metus causâ. τῶν ἄνω
 quidem magistratus superior, sive Ordinarius, qui jus mittendi
 habet, qualis est is solus, cujus in territorio bona debitoris
 sunt sita, Wesenbec. in paratit. ff. quibus ex causis in poss. eatur. per l.
 cum unus. 12. § pen. ff. de reb. auth. jud. poss. (Et hoc est, quod Jctus
 ait in l. jubere. 4. ff. de jurisdictione, missionem in possessionem
 magis esse imperii, quam jurisdictionis.) ἐπιτορῶν etiam De-
 legatus & Municipalis, per d. l. dies cautioni. 4. §. duas. 3. ff. de
 damno infecto. arg. l. ult. §. 1. ff. de officio ejus, cui mandata est ju-
 risdict. l. fin. C. de jurisd. omnium jud. Wesenbec. d. com. ff. ex quibus
 caus. in poss. eatur. n. 5.

(e) Sumitur vocabulum possessionis potissimum duplici-
 ter, 1. pro ipsâ rerum proprietate. per l. interdum. 78. ff. de V. S.
 l. Imperatores. 17. ff. de serv. rust. pradior.

2. Frequentius pro eo jure, quo res absqve dominio deti-
 netur. l. naturaliter. 12. §. 1. ff. de acquir. vel amitt. poss. l. posside-
 ri. 3. §. ult. ff. eod. l. Fulcinius. 7. §. Celsus. 17. ff. quibus ex caus. in
 poss. eatur.

(f) Materia, sive objectum immisionis: Nimirum bona
 debitoris contum. olim quidem indiscriminatim universa.
 Wesenbec. d. comm. ff. quibus ex caus. in poss. eatur. n. 6. per gloss. in
 l. cum proponas. 9. C. de bonis auth. jud. poss. l. 1. ff. quibus ex caus. in
 poss. eatur. Wesenbec. d. comm. ff. de damn. infect. num. 7. jure verò
 Novellarum pro modo & proportione eorum, quæ debentur,
 τῶν τὸ μέτρον τῆς ἀποδομῆς ἕξουσιν, ut habet textus origi-
 nalis. Novell. 53. c. 4. §. 1. de exhib. reis. Auth. Et qui jurat. C. de bo-
 nis auth. jud. poss. ibi: pro mensurâ declarati debiti. Canonici di-
 stinguunt inter actiones personales & reales: in his quidem
 concedentes immisionem in possessionem rei petitæ, ita ut,
 si tota res petatur, in totius rei possessionem missio fiat, si
 pars in partem petitam, cap. quoniam. 5. §. in aliis. X. ut lite non
 contestatâ. cum absurdum videatur, quæquam in plus mitti,
 plusq; ei adjudicari, quam petat. Wesenbec. d. comment. ff. de
 damno inf. num. 7. In illis verò non nisi pro modo debiti decla-
 rati. d. cap. quoniam.

(8)

(g) Repete huc, quæ dicta sunt supr. *b. thesi lit. c.* Sunt enim debitor & creditor relata, & quidem mutua, quorum eadem formalis prædicandi ratio, per ea, quæ prolixè adducuntur ab Eberhardo in *top. legal. in loco à correlatis.*

(h) Quis autem dicatur contumax, vel latitans, videatur *l. contumacia. 53. §. 1. ff. de re judic. d. l. Consentaneum. C. quomodo & quand. jud. d. l. Fulcinius. 7. §. 4. & passim. ibid.* Est itaque subjectum, quod patitur immisionem, debitor contumax & latitans, sive contumaciter absens: effectu enim considerato, hæc duo inter se conveniunt, dum nimirum ab utroque id agitur, ut iudicium eludatur, & sic remoræ injiciantur actori. *d. l. Fulcinius. 7. §. quid sit. 4. ff. quibus ex caus. in poss. eatur. cum contumacia, ut dictum supra thesi 5. lit. i. num. 3. ex num. τῶν ἀεργαστηῶν, & delictis æquiparetur Zasius ad d. l. contumacia. 53. §. 1. d. l. Fulcinius. 7. §. quid sit. 4. & §. adeò. 9. ff. quibus ex causis in poss. eatur.*

Quapropter eximuntur ab hæc contumaciæ pœnâ, quicumque non contumaciter absunt, ut sunt 1. in genere omnes, qui tutorum & curatorum ope indigent, defectu & imbecillitate iudicii laborantes, quales sunt 1. Furiosi, *l. 1. & t. t. ff. de curatoribus furios. l. ait Prætor. 1. §. hoc edicto. 6. ff. ne vis fiat ei & c. d. l. Fulcinius. 7. §. 9. & seq. ff. quibus ex caus. in poss. eatur.*

2. Pupilli. per *l. modò cit. junctâ l. si pupillus. 15. ff. quibus ex caus. in poss. eatur.*

3. Minores. *l. si minor. 5. ff. de reb. auth. jud. poss. l. minor. 8. & t. t. ff. de minoribus 25. annis.* Undè rectè traditur, quòd nec sui sint, nec sui idonei defensores. *d. l. Fulcinius. §. 9.*

4. Prodigii; cum nec hos propriè latitare quis dixerit, verba *3 Cti in sepè d. l. Fulcinius. §. 12. l. 1. & t. t. ff. de curatoribus furios. & aliis.* Si tamen causa urgeat justa, & dilatio damnum sit allatura, immisio nominatim permittitur. *d. l. Fulcinius. §. 10. 11. & 12. junctâ l. si minor. 5. ff. de reb. auth. jud. poss.*

5. De jure Saxonico Mulieres, cum & hæc Curatorum ope indigeant. *Churf. S. G. Ordnung. cap. 8. per rationem assignatam supra thesi 5. lit. 1. num. 3. Adde Berlich, d. conclusio. ne 17. num. 100.*

C

2. In

2. In specie. 1. Adversâ valetudine laborantes. *d. l. contumacia. §. 2.*

2. Majoris causæ occupatione detenti. *l. d. §. d.*

3. Non ex turpi, sed honestâ causâ latitantes. *d. l. Fulcinus. §. 4.*

4. Reipublicæ causâ absentes. *l. contra pupillum. §. 4. ff. de re jud. junctâ l. 1. §. 1. ff. ex quib. caus. majores 25. an. in integr. rest.*

5. Ad majus auditorium evocati. *d. l. §. 4. §. 1.*

6. Ab incompetente citati. *d. l. contumacia. §. ult.*

De jure Saxonico, quæ impedimenta relevent à pœnâ contumaciæ, (quæ isto jure certo resp. est amissio causæ) videri potest *Berlich. d. conclusion. 17. n. 48. Carpzovius d. p. 1. const. 9. def. 7.*

(b) Causa instrumentalis; *Wesenbec. in parat. ff. quib. ex causis in poss. eatur. n. 7. idem §. ff. d. damn. inf. n. eodem.*

(i) Effectus immisionis, & quidem 1. custodia rerum, ne videlicet pessum eant, *Wesenbec. in parat. ff. quibus ex causis in poss. eatur. n. 8. per c. contingit. X. d. dolô & contumaciâ. t. t. X. qui mittitur in possessionem. l. possideri. 3. §. fin. ff. de acquirendâ vel amitt. poss. ad excludendum 1. dominium, d. l. possideri. 3. §. illud quoque. 19. ff. de acquir. poss. junctô §. quod autem. 23. ibidem. 2. Possessionem; *d. l. possideri. junctâ l. si quis ante. 10. §. idem Pomponius. ff. de acquir. vel amittend. poss. cum aliud sit in possessione esse, aliud possidere, expressus textus in d. l.**

(k) Secundus effectus, consecutio pignoris, scil. Prætorii. *t. t. C. de prætorio pignore. Wesenb. d. comm. ff. de damn. inf. n. 6.*

(l) Causa finalis; *Wesenb. d. comm. ff. quibus ex causis in poss. eatur. n. 8. per l. is cui. §. ff. ut in poss. leg. expressior textus in c. quoniam. 5. §. in aliis. X. ut lite non contest.*

XIV.

Hæc, nimirum transferendæ possessionis, sive decreti secundi, est remedium (a) Prætoris, (b) quo creditori jam immisso (c) impletâ juris solennitate (d) potestas tribuitur (e) bona (f) debitoris, tempore justo (g) elapso, (h) in contumaciâ, sive latitatione fraudationis causâ (i) perseverantis, (k) possidendi (l) ac vendendi, (m) ne evidens debi-

debitoris dolus impunitus relinquatur, & consulatur
tandem agenti creditori. (n)

(a) Retento nomine generis ex *Giphanio ad h.l. nost. 8. pag. 272.*

(b) Causa efficiens; *repete huc, quæ dicta sunt supra thesi præced. lit. d. qui enim primum decretum interponere potest, potest & secundum. Wesenb. d. comm. ff. de damn. inf. n. 7. p. 1022.*

(c) Scilicet ex primo decreto, quò de in thesi præcedente. *Repete huc, quæ dicta sunt ibidem de creditore lit. c. nisi, quòd hinc excludatur creditor conditionalis, per l. si quis. 14. §. fin. ff. quibus ex caus. in poss. eatur.*

(d) Forma; *d.l. Consentaneum.* Hæc spectatur i. in præmissâ creditoris instantiâ, *ut dictum supr. thesi præced. lit. b. Adde Sichard. ad d.l. Consentaneum. n. 33. circa finem. Wesenb. d. comm. ff. de damno inf. n. 7. pag. 1022. & seq. circa finem.*

2. In dictâ thesi præced. necessariâ ternâ citatione, vel unâ peremptoriâ. *h.l. nost. 8. Wesenb. d. comm. ff. de damno inf. num. 7. p. 1021. ad decretum secundum.*

3. Contumaciæ accusatione & probatione, *dictâ thesi præced. lit. b.*

4. Causæ cognitione; *Sichard. ad d.l. Consentaneum. n. 35. circa fin. de decreto secundo, & quidem ratione i. contumaciæ, an videlicet justas debitor habeat absentiae causas, l. si finita. 15. §. si fortè. 22. ff. de damno inf. an sæpius citatus non comparuerit, d.l. contumacia. 53. §. contumax. ff. de re jud. an legitimis temporum intervallis citationes fuerint distinctæ. Wesenb. d. comm. ff. de reb. auth. jud. poss. d. n. 2. per d.l. si finita. §. nondum autem. ff. de damno inf. (quæ de re videatur Sichard. d. comm. ad l. Consentaneum. n. 16. 17. Berlich. d. conclus. 17. n. 8.) nec enim ad secundum decretum properandum. Sichard. d. comm. n. 35. Wesenb. ff. de damno inf. in comm. ibid. n. 7. pag. 1024. ob metum nimirum restitutionis in integrum. d.l. si finita. §. si fortè. ff. d. t.*

2. Debiti; de quo creditor fidem facere debet Judici, cum enim debere sit facti, quod non præsumitur, sed probatur, hinc creditori incumbit in absentia debitoris debitum liqui-
dare, *per d.l. cum proponas. 9. pro debito. 6. C. de bon. auth. jud. poss. l.*

quò appareat, quid, quale, quantumvè sit, quod debetur, l. stipulationum. 74. §. certum. ff. de V.O. junctà l. certum. ff. de reb. cred.

(e) Scilicet à dicto Pratore, sive magistratu competente, lit. b. supr. h. th.

(f) Objectum; scilicet in quæ jam est missus, d. thes. preced. lit. eadem.

(g) Quod de jure civili incertum, & judicis arbitrio determinandum, per l. si finita. 15. §. 21. ff. de damn. inf. d. Novell. 53. c. 4. §. 1. Wesenbec. d. comm. ff. de rebus auth. jud. poss. n. 4. De jure Canonico verò certum, nimirum annum, d. c. ult. §. fin. X. ut lite non contest. Wesenb. d. comm. ff. de damn. inf. n. 7. circa fin.

(h) l. cum proponas. 9. C. de bon. auth. jud. poss. Si verò tempore redierit, & se defendat, bona, in quæ erat immisio facta, recuperat, impensis tamen, sine dolo malo à creditore negotium gerente factis, præstitis. arg. l. in venditione. 8. §. de tempore. 3. l. Prator ait. 9. §. 1. & 4. ff. de reb. auth. jud. poss. l. si quis. 8. §. pen. C. de prescript. 30. vel 40. ann. Auth. & qui jurat. C. de bon. auth. jud. poss. Wesenb. d. comm. ff. de damno inf. n. 7. p. 1024. circa medium. Idem ff. de reb. auth. jud. poss. d. comm. n. 3.

(i) Non enim latitatio, simpliciter sic dicta, immisionem meretur, sed fraudulenta, & cum quâdam *wegarerei* facta. d. l. Fulcinus. 7. §. 2. 5. 8. & seq.

(k) Est itaque subjectum hujus immisionis passivum debitor in contumaciâ & latitatione captâ fraudulenter perseverans. Sic excluduntur omnes illi, qui & ab immisione primi decreti immunes dicti fuere thes. præc. lit. b.

(l) Effectus, & quidem primus, nimirum possessio, ad contradistingvendum à priori immisione nudæ detentionis: efficitur enim creditor hóc decretò secundò verus possessor, d. l. Fulcinus. 7. §. Prator ait. 1. ff. quibus ex caus. in poss. eatur. l. cum proponas. 9. C. de bon. au. h. jud. poss. §. ult. cum usucapiendi conditione, d. l. possideri. 3. §. ult. ff. de acquirend. poss. l. his qui. 12. l. si finita. 15. §. 16. l. damni. 18. §. 15. ff. de damno inf. Wesenbec. d. comment. ff. d. t. num. 7. p. 1025.

(m) Alter effectus venditio; si nimirum creditor immisus

fus amplius bona illa nolit, electo pretio, aut si plures sint creditores, qui nolint porro in communione stare, permiffa est venditio, *d. l. pro debito. 6. C. de bon. auth. jud. poss. d. l. Fulcinius. 7. §. 1. ff. quibus ex caus. in poss. eatur.* idq; in loco, ubi defendi quis debuit. *l. 1. ff. de reb. auth. jud. possid.* impetratione à competenti iudice faciendâ, *d. l. cum proponas. 9. in fin. C. de bon. auth. jud. poss.* Differentiam juris Saxon. in hac re vide **Landrecht.** *lib. 1. d. t. 20. Reinhard. diff. jud. 29. Wesenbec. in parat. ff. de damno inf. n. 7. p. 1026.*

(n) *Causa finalis; Wesenbec. d. comm. ff. quib. ex causis in poss. eatur. n. 9. in fine. Idem n. 7. ff. de damn. inf. d. c. p. 1025.*

Atque hæc quidem de jure communi. De jure Saxonico neutri immiffioni locum esse dicit, *Wesenbec. d. l. in fin. p. 1026. & testatur Berlichius d. concl. 17. n. 41. & seqq.* de hoc jure paulò graviolem pœnam esse introductam, in contumacem ternis vicibus, vel unâ peremptoriâ citatum, videlicet causæ amissionem, quam rigidam, & quasi saxeam ibi pronunciat ex *Chi. iano Königk c. 37. n. 2.* cum hoc tamen moderamine, nisi reus legitimum impedimentum deducat, *astipulante Colero in d. process. exec. p. 1. c. 2. num. 12. & seq.* ubi dicit de hoc jure reum contumacem, tanquam confessum & convictum, condemnari in causâ principali, & 1. quidem usq; ad legitima impedimenta.

2. Si hæc non deducantur, usq; ad executionem, *approb. Churfürstl. S. Process- und Gerichts- Ordnung. cap. Wiewieder die Ausbleibenden. 10. §. Im fall aber. Adde Dn. Carpzov. p. 1. const. 9. defn. 14. junctâ defn. 16. ibid. quò benevolunt lectorem brevitatis causâ remissum volo.*

XV.

Tertium in ordine contra contumaces remedium ponitur (a) Sententia definitiva, (b) sive progressus in causâ principali usq; ad definitivam (c) ex tali definitione fortè noscibilis; Sententia definitiva est decisiva (d) solennis (e) facta à iudice (f) competente (g) ad instantiam (h) creditoris præsentis (i) contra debitorem contumaciter ab-

sententem (k) super quæstione, seu causâ in iudicium dedu-
ctâ, principali (l) ad hoc, ut debitor postmodum veni-
ens non audiatur, (m) quò tandem aliquis sit litis fi-
nis. (n)

(a) à Saliceto & Sichardo d. comm. ad l. Consentaneum. n. 36.

(b) Sic dicta à definiendo, quod causam definiat, ac termi-
net, per l. l. Paulus. 42. l. iudex. 55. ff. de re jud. c. 2. X. cod.

(c) Gail. observ. 60. n. 1. Mynsing. cent. 4. observ. 67.

(d) Genus; ex l. qualem. 19. §. 1. ff. de recept. qui arbit. rec. l. 1. C. de
exec. rei jud. Wesenbec. in parat. ff. de re jud. n. 3. Treutl. volum. 2. disp.
23. thesi 1.

(e) Forma; ad contradistingvendum ab interlocutoria, quæ
plerunquè nullo servato ordine proferri solet, per d. l. qualem. 19.
§. fin. ff. de recept. qui arb. recep. l. quod iussit. 14. ff. de re jud. Fit ve-
rò solenniter 1. ratione ordinis judiciarii, qui strictè servan-
dus d. l. 1. C. de executione rei jud. Cæteroqui sententia est nulla,
per l. prolatam. C. de sententiis, & interlocutionibus omnium judic. Plu-
ra hanc in rem vide apud Eberh. in top. legal. in loc. ab ordine.
Positus in his potissimum 1. ut fiat citatione debitâ priùs
emissâ, D. D. ad l. consentaneum. ibi: impletâ juris solennitate. Go-
dofred. Giphanius. ibid. in Sichard. d. comment. in auth. qui semel. C.
quom. & quand. jud. n. 16. Berlich. conclus. 17. n. 74. 75. & seq. Coler,
p. 1. c. 2. n. 16. ejusdemq; insinuationis priùs exploratâ certitudi-
ne, per ea, quæ tradit Dn. Carpzov. d. p. 1. c. 9. defin. 16. Churf. S.
VI. Gerichts Ordnung. d. cap. 10. ibi: Jedoch daß man. p. 25.
2. Præmissâ litis contestatione, probationibusqve receptis,
Wesenb. d. comm. ff. de re jud. n. 7. per l. fin. §. pen. ff. quod metus cau-
sâ. Sichard. ad d. l. Consentaneum. n. 36. circa fin.

2. Ratione Judicis pro tribunali sedentis; Wesenbec. d. comm.
ff. de re jud. n. 7. per l. non minorem. 20. C. de transactionibus. Nov. 82.
cap. sedebunt. 3.

3. Causæ cognitionis plenariæ; d. l. 1. C. de execut. rei jud. Plura
videri possunt apud D. D. ad d. t. ff. de re jud. Wesenbec. ibid. n. 7.
Treutl. d. volum. 2. disp. 23. thesi 4.

(f) Causa efficiens; per l. duo. 28. ff. d. t. l. 1. & 2. C. de sent. ex peric.
rec. Wesenb. d. l. n. 5.

(g)

(g) Qui enim jurisdictionem non habet, aut incompetens est, frustrà pronunciat, *l. i. l. privatorum. 3. C. de jurisd. omnium. jud. t. t. C. si à non compet. jud.*

(h) Causa *æqua* *Æquum*; *Sichard. ad d. l. Constantanum. n. 36. d. auth. qui semel. n. 16. Berlich. d. concl. 17. n. 72. Churf. S. N. Gerichts Ordn. d. cap. 10. p. 25. ibi: Vff ferner Beschuldigung.*

(i) *Sichard. d. l.*

(k) Subjectum hujus remedii; *Sichardus ibid. adde Salicetum, Giphanium ad d. l.* Huc ergò pertinent omnes contumaciter absentes, quicunque non legitimis impedimentis excusantur, ut dictum suprâ *thes. preced.* Adde *Berlich. d. concl. 17. n. 48. Carpzov. d. p. 1. const. 9. defn. 7.* Principaliter huc pertinet *d. l. contumacia. 53. cum seq. ff. de re judic.*

(l) Objectum seu materia; nimirum h. l. solutionis faciendæ, *arg. d. l. i. C. de exec. rei jud. d. l. qual. m. 19. §. 1. ff. de recept. qui arb. recep.*

(m) Effectus; autoritate *Sichardi d. l. n. 36.* Undè etiam dicitur remedium irrevocabile, *ibid. cum Judex semel dictam sententiam revocare non possit, quia officio functus est, l. Paulus. 42. l. Judex. 55. ff. de re jud. t. t. C. sententiam rescindi non posse.* Quod ita obtinere videtur in hoc quidem cap. contumaciæ tam in primâ, quàm in secundâ instantiâ, *per l. i. C. Quorum appellationes non recipiuntur.*

(n) Finalis; *Wesembec. d. comm. ff. de re jud. num. 8. per cap. jurgantium. 2. X. b. t. d. l. qualem. 19. §. 1. ff. de recept. qui arbitr. recep. l. i. l. post rem. 56. ff. de re jud.* Undè constitutum, ut sententia pro veritate habeatur, non secus ac ubi juratum est, *Reinhard. Bachov. volum. 2. animadversionum ad disput. Treutl. disp. 23. thesi 5. lit. b. per §. item si quis. 11. Inst. de actionib. ut ibidem inquit, quò hîc obtineatur finis.*

Corol-

Corollaria.

I.

Creditor debiti partem ab uno ex tribus reis debendi accipiens, an obligationem divisisse intelligatur, & an reliquam portionem ejus, qui non solvendo factus est, à duobus reliquis exigere possit? Affirmatur prius. Negatur posterius.

II.

An Tutor non exigens nomina paterna, tempore susceptæ tutelæ idonea, de levi culpâ teneatur? Affirm.

III.

Si probetur, quòd hæres rem aliquam omiserit, vel dolo occultaverit, an beneficium inventarii planè amittat? N.

IV.

Utrum Notario, asserenti testatorem fuisse sanæ mentis, credendum sit? Videtur negandum.

Δ. T. Θ.





Corol-

X2615937

Von







Farbkarte #13

B.I.G.

Blue

Cyan

Green

Yellow


Red

Magenta

White

3/Color

Black



A. 1642, 4

#

26

Juridicarum

DA,

S JURIS

ADVERSUS

TUMACES, MO-

TITANTES,

Mod. quom. & quando Jud. &c.

horitate

Amplifs. Dn. Senioris,

& Excellentifs. inclytæ

orum in celeberrimâ

ademia,

I D E,

Consultissimo,

RO PREIBISIO,

ol. Facultatis Juridicæ, Na-

ix Virginis Seniore, Sacr. Cæs.

s Comite, Sacr. Rom. Imperii

motore suo singulari-

iendo,

ilico sistet

Wraht/GEITHANUS,

rtii, 1642.

torum Petrino.

GORII Nitschens,